



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1563 usque ad annum 1566

**Fleury, Claude**

**August. Vind. [u.a.], 1772**

**VD18 90118626**

§. 91. Initia Oratorii a S. Philippo Nerio erecti.

---

[urn:nbn:de:hbz:466:1-67192](https://nbn-resolving.org/urn:nbn:de:hbz:466:1-67192)

erigi curabat, quam in rem die decima quarta Julii ad Joannem Patriarcham Venetum, & die vigesima secunda ejusdem Mensis ad Antonium Albonum nominatum Lugdunensem Archiepiscopum literas dabat, ut vero ceteri ipsius exemplo ad pium hoc opus excitarentur, ipse Romanum Seminarium condidit, cujus curam Jesuitis committi posse arbitrabatur.

§. XCI.

*Initia Oratorii a S. Philippo Nerio erecti.*

Pius IV. Pontifex, cum ejusdem Ze-  
 lus hisce operibus satiari haud pos-  
 set, sancto quoque Philippo Nerio pro-  
 ficuam præstitit operam in erigenda ejus  
 Congregatione, quæ ad regularem vi-  
 vendi normam hoc anno millesimo quin-  
 gentesimo sexagesimo quarto redigi cæ-  
 perat: porro hic idem sanctus Anno  
 Christi millesimo quingentesimo deci-  
 mo quinto die vigesima secunda Julii  
 Florentiæ ex nobili Etruriæ familia na-  
 tus erat, atque humaniorum literarum  
 curriculo in patria sua confecto Romam  
 veniens cum tanto profectu Philoso-  
 phiæ, ac Theologiæ Scholasticæ ope-  
 ram navabat, ut ferme omnes, qui  
 Romæ celebriores erant, hujus Viri  
 amicitiam sibi demereri certarent: Phi-  
 lippus

Sæcul XVI.  
 A. C. 1564.

*Raynald.  
 hoc ann. n. 5.  
 Galonius in  
 vita S. Phil.  
 ann. 1564.*

Sæcul. XVI.  
A.C. 1564

lippus tamen longe magis virtute, quam scientia sese commendatum reddebat; quippe Scholam egressus ad interius cubile suum sese recepit, ubi in sacris literis, antiquis Patribus, & Ecclesiæ Canonibus profundissimam hauriebat notitiam, ita tamen, ut tam præclaræ sublimis ingenii dotes semper magis, magisque ejus humilitatem auferent, totamque suam scientiam impenderet, ut plurimos juvenes a vitæ licentia averfos postea ad veram pietatem accenderet: insuper Anno Domini millesimo quingentesimo quinquagesimo Parisiani Rosæ, qui ejus conscientiam moderabatur, opera plurimum adjutus celebrem Sodalitatem Sanctissimæ Triadis in Ecclesia ad S. Salvatorem in Campo pro exterorum pauperum, peregrinantium, & convalescentium omni receptaculo destitutorum sublevamine exerat: porro innumeræ hæc actiones piæ, quas in hoc studio exercebat, necnon ingens fructus, quem ejus charitas in Ecclesia proferebat, quatenus sese adhuc magis ad pia hæc opera idoneum redderet, ab eo deprecari videbantur, ut sacris Ordinibus initiaretur: hinc ipsius Confessarius eum reluctantem ad id adegit, unde trimestri nondum expleto sacram Tonsuram, omnesque reliquos Ordines suscepit, ac die vigesima

ma tertia Maji Anno reparatæ Salutis <sup>Sæcul. XVI.</sup>  
 millesimo quingentesimo quinquagesimo primo Sacerdos inauguratus est. A.C. 1564.

Agebat tum annum ætatis suæ trigessimum sextum, paulopost autem sancti Hieronymi Sacerdotes, qui a charitate nomen trahunt accessit, ibidemque excipendis sacris Confessionibus sese impendit.

Anno post Christum natum millesimo quingentesimo quinquagesimo sexto quamplurimos suo ministerio ad meliorem frugem reduxerat, & præcipue Joannem Baptistam Salviatum ejusdem nominis Cardinalis fratrem, & Catharinæ Mediceæ Franciæ Reginæ avunculum, necnon Franciscum Mariam Tarugium postea Cardinalem Julii III. Papæ Nepotem, & Constantium Tassonium, atque Joannem Baptistam Modium, Antonium Fuccium, pluresque alios celebres viros Christo lucrificit, qui suum ei operam addicentes Nosocomia visiterunt, eorumque numerus excrevit ad viginti circiter, qui omnes eodem Christi Regnum in terris extendendi desiderio flagrabant. His postea Baronius, dein Cardinalis, celebris Annalium Ecclesiasticorum Scriptor, & Bordinus postea Avenionensis Archiepiscopus, necnon Alexander Fidelis sese sociabant, unde anno millesimo quingentesimo quinquagesimo octavo Ro-

*Hist. Eccles. Tom. XLVII. X mæ*

Sæcul. XVI.  
A.C. 1564. mæ ortum suum traxit Sacerdotum Oratorii Societas, quæ nonnisi Anno millesimo quingentesimo sexagesimo quarto in Congregationem coalescebat. Sub idem tempus Philippus Nerijs a Florentinæ Urbis Magistratu, & populo ad actus regendam suscepit Ecclesiam, quæ ad Nationem Florentinam pertinens Romæ sub nomine sancti Joannis Baptistæ erecta fuerat, ibidem vero ei assignabatur Domus huic Ecclesiæ contigua, ut ibi unacum suis socijs habitare posset, additis etiam ad eorum sustentationem annuis redditibus: porro hucusque hujus sancti Sodales nonnisi laici erant: ast novæ hujus Congregationis necessitate, necnon piorum quorundam monitis stimulati ex illis præcipui Sacerdotium suscipere decreverant, ac præprimis tres duntaxat seligebantur, qui erant Baronius, Joannes Franciscus Bordinus, & Alexander Fidelis: ab eo autem tempore sancti Philippi Nerii Discipuli communis vitæ societate uti incœperant, brevique ejus Congregatio Sacerdotibus abundabat, quibus mox Verbum Dei prædicandi, ac populorum confessiones excipiendi cura demandata est.